

ITALIA.

Litibus imponit finem MACERATA supremum.
EMPORIA in portis consistit gloria clausis.
Urbs LIVII celebris nimis est proclivis ad arma.
BERGOMVM ab inculta dictum est ignobile lingua.
Omnibus exponit gladios ARETIVM acutos.
VITERBI conventus opem fert sanctus egenis.
Civibus humanis decorata est ASTA fidelis.
Fructibus, Anseribus, pomario ARIMINVM abundat.
FANVM formosas mulieres fertur habere.
Odit mundanas Syncera NOVARIA fraudes.
Clara perantiqua defecit fama RAVENNÆ.
ANGLIA habet paucos Comites: VINCENTIA multos.
Omnes commendant ficus grossosque PISAVRI.
Castaneis, Oleo, Tritico PISTORIVM abundat.
Rustica frugales nutrit DERTONA colonos.
Postponit REGIVM cornuta Animalia Porcis.
Dulcia felicem cingunt Vineta CESENAM.
TARVISIVM exhilarant nitido cum flumine fontes.
IMOLA divisa est, nocet hec divisio multis.
VRBINVM statuit ducibus clamare, valere,
Nota est fictilibus figlina FAVENTIA vasis.
SPOLETVM clamat, peregrini, intrate, manete.
LAVS pingues POMPEIA Boves producit Ovesque.
NARNIA promittens epulum dabit ova, vel uvas.
ASSISIVM sancti FRANCISCI corpore gaudet.
Hospitibus COMVM Pisces cum carnibus offert.
Quærit opes fragiles studiis SAVONA relictis.

Lacus.

Lacus habet Italia plurimos, quorum nominatissimi: In Etruria *Trasimennus, Aprilis, Marinus, Vadimonis, Ciminus, Vulturnensis, Sabatus, Palus Bientina, & Ciana.* In Latio *Hostia Lacus, Albanus, Aqua Salvia, Lacus Nemoensis, Futurna Lacus, Regillus, Fucinus, Pontina Palus, Fundanus Lacus, Tiburtinus, Cecubus, Simbruina Stagna.* In Piceno *Nursinus.* In Umbria *Velinus, Floridanus, Cutiliensis.* In Campania *Lacrinus & Avernus, Lincornia Palus, Stativa, Pompeia.* In Salentinis & Apulia *Lacus Andurianus, Lesimensis,*
 In